

GOJRI NEWS BULLETIN
02 MAR 2026 1015 HRS
مارننگ گوجری نیوز بولٹن 02 مارچ 2026

یوہ آکاشوانی جموں ہے عبیدالرحمان تیں خبر سُنو۔

LG SECURITY MEET

لیفٹیننٹ گورنر منوج سنہا نے گزشتہ روز جموں مانہہ ایک اعلیٰ سطحی میٹنگ غی صدارت غے دوران جموں کشمیر یو ٹی غے اندر حفاظتی صورتحال غو جائیزو لیو۔ اس دوران چیف سیکرٹری اٹل ڈلو پولیس غا ڈائریکٹر جنرل نلین پرہات کئی اعلیٰ حکام ڈپٹی کمشنر تے ایس۔ایس۔ پی میٹنگ مانہہ موجود تھا۔ اس میٹنگ غو مقصد مغربی ایشیا غے اندر حالیہ صورتحال تیں بعد یو ٹی غی حفاظتی صورتحال غو جائیزو لینو تھو اس دوران ایل جی موصوف نے کہیو کہ امن غی صورتحال نانہہ قائم رکھنو تمام طبقات غی سانجی ذمہ داری ہے تے اُن نے تمام لوکاں نانہہ امن تے بھائی چارہ نال ایک جُٹ ہو غے رہن غی ترغیب دتی۔ اس موقعہ ور موصوف نے قانون تے امن غی صورتحال نانہہ بحال رکھن ور پولیس حفاظتی دستاں تے سیول انتظامیہ غی طرفوں کی گئی کوششاں ور سہرايو تے کہیو کہ سرکار مغربی ایشیا غے اندر تازہ ترین صورتحال ور نیڑویں نظر رکھے کرے تے خارجہ وزارت وی اس سلسلہ مانہہ اپنو تعاون پیش کررئی ہے تانجے جموں کشمیر غا رہانشیاں تے طالب علماں گا تحفظ نانہہ یقینی بنایو جاسکے۔

CM APPEAL

وزیر اعلیٰ عمر عبداللہ نے گزشتہ روز اپنا ایک بیان مانہہ کہیو ہے کہ ایران غا سپریم لیڈر غی حالیہ ہلاکت ور ماتم منان آلاں نانہہ اپنو دُکھ غو اظہار کرن غو ضرور موقعو ملنو چاہیے تے اس دوران امن غی صورتحال وی بحال رہنی چاہیے وزیر اعلیٰ جموں کشمیر غا تمام طبقات نال تعلق رکھن آلا افراد تیں اپیل کی ہے کہ وے امن تے بھائی چارہ غی صورتحال نانہہ بحال رکھیں موصوف نے پولیس تے سیول انتظامیہ ور وی زور پایو کہ وے تحمل غو مظاہرو کریں۔ اس دوران وزیر اعلیٰ نے اس گل ور وی زور پایو کہ امن عامہ نانہہ برقرار رکھیو جانو چاہیے تے اس گل نانہہ وی یقینی بنایو جانو چاہیے کہ ایران مانہہ پیدا ہوئی صورتحال غے چلتیں لوک احترام نال ماتم کرسکیں۔

KASHMIR SCHOOL CLOSED

جموں کشمیر حکومت نے احتیاطی اقدام چاتاں مانہہ وادی کشمیر غا تمام سرکاری تے نجی سکولاں غے نال کالجاں نانہہ وی دو دن توڑی بند رکھن غو حکم جاری کیو ہے۔ وزیر تعلیم سکینہ اتو نے کہیو کہ سرکار غا اس فیصلہ گو مقصد وادی کشمیر غا گُجھ حصاں مانہہ احتجاج غے دوران طالب علماں غی حفاظت نانہہ یقینی بنانو ہے۔ انہاں نے مزید کہیو کہ موجودہ صورتحال ور نیڑویں نظر رکھی جارئی ہے تے تعلیمی اداراں نانہہ دوبارہ کھولن غو فیصلو زمینی صورتحال غو جائیزو

لین تیں بعد کیو جے غو۔ اس موقعہ ور حکام نے اسکولی بچاں تے اُن گا والدین
نانہ تازہ ترین صورتحال تیں آگاہ رہن گی اپیل کی ہے۔

GOC DELTA

میجر جنرل اچے سنگھ سنگھ ڈباس نے جموں کشمیر مانہ کاونٹر انسرجینسی فوج،
ڈیلٹا غی جنرل آفیسر کمانڈ غو عہدو سنبھال لیو ہے اس تیں پہلاں اس عہدہ ور
میجر جنرل اے۔پی۔ایس، بال اپنی خدمات انجام دے رہیا تھا۔ وادی چناب غا رام بن
کشتواڑ تے ڈوڈہ ضلعان مانہ دہشت گردی ور قابو پان مانہ ڈیلٹا فوج غو بڑو
اہم کردار ہے۔ کمان سنبھالن تیں بعد میجر جنرل دباس نے شہید فوجیاں نانہ
خراج عقیدت پیش کیو تے تمام وستے نیک خواہشات گو اظہار وی کیو۔ موصوف
نے کہیو کہ فوج اپنی پیشہ ورانہ صلاحیت نانہ قائم رکھے تے ہر وقت چوکس رہ
غے ملک غے اندر امن تے استحکام بحال رکھن غی صورتحال نانہ یقینی بناوے۔

YOGI SHEETAL DEVI AWARD

اُتر پردیش غا وزیر اعلیٰ یوگی ادیتیا ناتھ نے لکھنو مانہ منعقد ایک تقریب غے
دوران ضلع کشتواڑ غی پیرا آرچر شیتل دیوی نانہ لکشمی بائی ایواڈ نال نوازیو
شیتل دیوی غا عزم تے حوصلہ غی تعریف کرتا واں وزیر اعلیٰ یوگی آدتیہ ناتھ
کہیڈاں مانہ کھلاڑی غی کارکردگی تے حوصلہ غی تعریف کی ملکی تے بین
العوامی چیمپین شپ کھیڈ مقابلان مانہ شیبیل غی کامیابی پورا خطہ غا نوجوان
کھیلاڑیاں وستے جذبہ تے استقامت غی ایک عمدہ مثال ہے تے شیتل دیوی غی
کامیابی تمام کھیلاڑیاں وستے ایک تحریک ہے۔

FESTIVE RUSH RAILWAYS

شمالی ریلوے غی جموں ڈویژن نے آئیندہ بولی غا تہوار تیں پہلاں اپنا انتظامات
نانہ تیز کردتو ہے اس دوران نئی دہلی تے وارانسی وستے خصوصی ریل گڈی
شروع کی گئی ہیں۔ جن مانہ لوکان غی بھیڑ غے پیش نظر اضافی ڈبہ نصب کیا
گیا ہیں۔ اس دوران حفاظت غا سخت انتظامات کیا گیا ہیں۔ جن مانہ اضافی تعیناتی
، سی۔سی۔ٹی۔وی نگہ داشت تے وار دوم وی بناپو گیو ہے جموں تے کٹرا ریلوے
سٹیشنن ور مسافراں غی تعداد 50 ہزار ہو گئی ہے حکام نے مسافراں نانہ ہدایت
جاری کی ہے کہ وے حفاظتی ضابطان غے تحت سفر غو منصوبو بناویں تے
تہواراں مانہ بھیڑ تیں بچن وستے اپنا سفر غو پیشگی منصوبو بناویں۔

PROG ANN

علاقائی خیراں آلو شعبو آکاشوانی جموں 3 مارچ 2026 نانہ تہاڑی 12 بجے ولڈ وایلڈ
لانف تہاڑا 2026 غی تقریبات غا سلسلہ مانہ ایک خصوصی پروگرام نشر کر رہیو
ہے۔ 25 منٹ غا اس خصوصی پروگرام مانہ طبعی تے خوشبودار پودان صحت غا
تحفظ ورثہ غی بازیافت تے زندگی گزارن گا بکھ بکھ پہلوان ور تبادلہ خیال کیو
جے غو۔ اس خصوصی پروگرام مانہ مارا مہمان ویں گا امت شرما تے جہیڑا کہ
جنگلات غا اسٹینٹ کنزرویٹر ہیں اس موقعہ ور موصوف اپنی رائے تے ماہرانہ

تجربات سانجها ڪريون ٿا. اس پروگرام غي ميزباني ماري انڪر شروتي ڪهڙو
ڪريون ٿا.
